



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e-mail: info@voda.ba

Broj: **UP-1/21-1-40-234-2/24**

Datum: **04.06.2024. godine**

«Agencija za vodno područje rijeke Save» Sarajevo rješavajući po zahtjevu Investitora MANDIĆ MARIJA iz Goražda za izdavanje prethodne vodne saglasnosti za ispuštanje tehnoloških otpadnih voda sa lokacije stambeno poslovnog objekta, čija je poslovna namjena autoservis, koji se planira graditi u naselju Krsnica, Grad Goražde na osnovu člana 139. stav 1. Zakona o vodama («Službene novine Federacije BiH», broj 70/06) i člana 200. stav 1. Zakona o upravnom postupku («Službene novine Federacije BiH», broj 2/98, 48/99 i 61/22), **donosi**

RJEŠENJE

1. Odbija se zahtjev Investitora MANDIĆ MARIJA iz Goražda za izdavanje prethodne vodne saglasnosti za ispuštanje tehnoloških otpadnih voda sa lokacije stambeno poslovnog objekta, čija je poslovna namjena autoservis koji se planira graditi u naselju Krsnica na zemljištu označenom kao k.č. broj: 434 K.O. Goražde II, Grad Goražde, s obzirom da za predmetnu aktivnost nije propisana obaveza pribavljanja vodnih akata od strane ove Agencije.
2. Ovim Rješenjem se stavlja van snage Rješenje o prethodnoj vodnoj saglasnosti broj: UP-1/21-1-40-420-5/23 od 20.03.2024. godine.
3. U radnom dijelu objekta u kome se vrše usluge opravke i servisiranja vozila ne smije se planirati niti izgraditi podni slivnik, a sve u cilju dosljedne primjene suhog postupka kako je navedeno u Studiji.
4. Ukoliko tokom korištenja objekta dođe do promjene namjene istog, a pri čemu će dolaziti do produkcije i ispuštanja tehnoloških otpadnih voda u površinske vode ili okoliš, Investitor je dužan da pribavi vodne akte od nadležnog organa.

Obrazloženje

Investitor MANDIĆ MARIJA iz Goražda se obratila ovoj Agenciji sa zahtjevom bez broja dana 08.05.2024. godine za izdavanje rješenja o prethodnoj vodnoj saglasnosti za ispuštanje tehnoloških otpadnih voda sa lokacije stambeno poslovnog objekta, čija je poslovna namjena autoservis koji se planira graditi u naselju Krsnica na zemljištu označenom kao k.č. broj: 434 K.O. Goražde II, Grad Goražde. U provedenom postupku dostavljena je i pregledana sljedeća dokumentacija:

- Ovjerena kopija lične karte;
- Ovjerena kopija katastarskog plana, razmjera 1:1000, broj plana: 4, UR br. 07-20-3-325/2023-1 od 31.05.2023. godine izdato od Službe za geodetske, imovinsko-pravne poslove i katastar nekretnina, Grad Goražde (prilog u Studiji);
- Informacija broj: 1089/23 od 08.11.2023 izdata od Javno preduzeće za komunalne djelatnosti „6.MART“ d.o.o., Goražde (prilog u Studiji);
- Ovjerena kopija Mišljenja o usklađenosti planirane aktivnosti sa prostornim planom broj: 04-4-19-6-3689/23 od 19.09.2023. godine izdato od Službe za urbanizam, prostorno uređenje i komunalne poslove, Grad Goražde;
- Akt da parcela nije u zonama sanitarne zaštite broj: 03-1-21-2-752/24 od 14.02.2024. godine izdato od Služba za privredu i finansije, Grad Goražde; Ovjerena kopija lične karte;
- Studija za izdavanje prethodne vodne saglasnosti za stambeno-poslovni objekat čija je namjena autoservis na zemljištu označenom kao k.č. broj: 434 K.O. Goražde II, Grad Goražde, April 2024. godina, urađena od „RADIS“ d.o.o., Istočno Novo Sarajevo (2x);
- Dokaz o uplaćenju administrativnoj upravnoj pristojbi.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u cilju utvrđivanja relevantnih činjenica u ovoj upravnoj stvari. Razmatrajući predmetni zahtjev i priloženu dokumentaciju utvrđeno je, da je priložena sva dokumentacija propisana odredbama čl. 8. i 19. Pravilnika o sadržaju, obliku, uvjetima, načinu izdavanja i čuvanja vodnih akata („Službene novine Federacije BiH” broj 31/15, 55/19, 41/20 i 63/22). Na predmetnoj lokaciji za navedenu aktivnost Investitoru Mandić Mariji iz Goražda je izdato Rješenje o prethodnoj vodnoj saglasnosti broj: UP-1/21-1-40-420-5/23 od 20.03.2024. godine. Pošto Investitor finansijski nije mogao realizovati uslove iz dobijenog Rješenja, isti je od projektanta „RADIS” d.o.o. Istočno Sarajevo zatražio izradu Studije sa drugačijim konceptom nastanka i zbrinjavanja potencijalno zauzjenih otpadnih voda iz objekta autoservisa. Na osnovu zahtjeva od strane Investitora izrađena je Studija koju je Investitor proslijedio uz novi zahtjev za izdavanje prethodne vodne saglasnosti za predmetni objekat. Izdavanjem ovog Rješenja Agencija stavlja Van snage svoje Rješenje o prethodnoj vodnoj saglasnosti broj: UP-1/21-1-40-420-5/23 od 20.03.2024. godine.

Na osnovu dostavljene dokumentacije, mišljenja tehničke struke i dostavljene tehničke dokumentacije utvrđeno je slijedeće:

- Stambeno-poslovni objekat se planira graditi u naselju Krsnica na zemljištu označenom kao k.č. broj:434 K.O. Goražde II, Grad Goražde.
- Osnovna namjena poslovnog objekta je autoservis;
- Prema dostavljenoj Studiji tehnološke otpadne vode iz predmetnog objekta autoservisa ne postoje jer će se sav otpad zbrinjavati suhim postupkom, skladištiti i odlagati u kontejnere koji će odvoziti na zakonom propisano mjesto. Ukoliko se pojave određene manje količine ulja koje može curiti iz pojedinih mašinskih dijelova, ovo ulje će se prikupiti suhim postupkom, odnosno krpama i suhim upijacima i odložiti u nepropusne posude nakon čega će se iste deponovati kao čvrsti otpad na za to predviđeno mjesto.
- U planiranom objektu neće nastajati tehnološke otpadne vode iz procesa rada a kako je to utvrđeno odredbama člana 3. stav 1. tačka (cc) Uredbe o uvjetima ispuštanja otpadnih voda u okoliš i sisteme javne kanalizacije („Službene novine FBiH”, br. 26/20,96/20).
- Također je utvrđeno da na pripadajućim prometnim površinama ne nastaju oborinske onečišćene vode kako je to utvrđeno odredbama člana 3. stav 1. tačka (s) a u vezi sa tačkom (cc) Uredbe o uvjetima ispuštanja otpadnih voda u okoliš i sisteme javne kanalizacije („Službene novine FBiH”, br.26/20, 96/20).

Kako u predmetnom objektu ne nastaju tehnološke otpadne vode kao rezultat tehnološkog postupka, kao ni oborinske onečišćene vode kako je to utvrđeno odredbama člana 3. stav 1. tačka (s) a u vezi sa tačkom (cc) Uredbe o uslovima ispuštanja otpadnih voda u okoliš i sisteme javne kanalizacije („Službene novine FBiH”, br. 26/20, 96/20), odnosno nema ispuštanja tehnoloških otpadnih voda u smislu odredbi člana 139. stav 1. Zakona o vodama («Službene novine Federacije BiH», broj 70/06), u skladu s članom 200. Zakona o upravnom postupku («Službene novine Federacije BiH», broj 2/98, 48/99 i 61/22) riješeno je kao u dispozitivu rješenja.

Uputa o pravnom lijeku:

Protiv ovog Rješenja može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema Rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obradivač akta:

Remić Dž., dipl.iur.

Po ovlaštenju
Rukovodilac sektora za zdavanje vodnih akata



Haris Alisehović
Haris Alisehović, dipl.inž.građ.

Dostaviti:

- MANDIĆ MARIJA

Ul. Krsnica-Čajnička 71, Goražde (PRILOG Studija 1x)

© AVP Sava, ISV-vodna knjiga

- Sektor 40 – arhiva

- Oglasna ploča – AVP Sava